

आकाशवाणी

- 1.जम्मू-कश्मीर च दुए गेड़ दे असैम्बली चुनांस तैहत अज्ज संझां 5 बजे तगर 54 फीसद मतदान दर्ज कीता गेआ ऐ।
- 2.हरियाणा च औंदे विधानसभा चुनांस लेई प्रचार जोरें-शोरें जारी ऐ। प्रधानमंत्री नरेन्द्र मोदी होरें गोहाना च इक चुनावी रैली गी संबोधित कीता।
- 3.उपराश्ट्रपति जगदीप धनखड़ होरें आखेआ ऐ जे भारत आलमी सतह उप्पर रास-पूंजी दी नजरी कन्नै पसंदीदा मुल्ख बनी गेदा ऐ।
- 4.चिली दे राश्ट्रपति गेब्रियल बोरिस फॉन्ट होरें संयुक्त राश्ट्र सुरक्षा परिषद च भारत दी स्थाई सदस्यता दी वकालत कीती ऐ।
- 5.कैग दिआं रिपोर्टां तैयार करने ते डेटा विश्लेषण दे प्रबंधन च आर्टिफिशियल इंटेलीजेंस गी संगठित करने लेई कम्म कीता जा करदा ऐ।

<><><><><><>

Polls Phase II

जम्मू-कश्मीर च अज्ज असैम्बली चुनाएं दे दुए गेड़ तैहत 5 बजे तगर कुल 54 फीसद मतदान दर्ज करी लैता गेदा हा। जम्मू खिते च संजा 5 बजे तगर 70 अशारिया 0-4 फीसद मतदान दर्ज कीता गेआ। सब्बनें थ्वा बद्द मतदान संजा 5 बजे तगर श्री माता वैष्णो देवी विधानसभा सीट लेई 75 अशिराया 2-9

फीसद दर्ज कीता गेआ। एदे मगरा पुछ हवेली च 72 अशिराया 7-1 फीसद मतदान दर्ज कीता गेआ। आकाशवाणी दे जम्मू संवाददाता मुजब, मतदान बड्डलै 7 बजे थमां पुरु होई गेआ हा ते बड्डलै थमां गै मते सारे मतदान केन्द्रें पर जोश कन्नै भरोचे दे मतदाताएं दिआं लम्मियां-लम्मियां रींगां दिक्खियां गईयां। मतदान संजा 6 बजे तगर हा पर उयां जेडे बी मतदाता मतदान केन्द्र च पुज्जी गेदे हे उनें गी वोट पाने दा समां दिता गेआ ऐ। ध्यानजोग ऐ जे अज्ज जम्मू-कश्मीर दे 6एं जिलें दिएं कुल 26 विधानसभा सीटें लेई वोट पोआए गए। इनें जिलें च जम्मू संभाग दे रियासी, रजौरी ते पुंछ जिलें सने कश्मीर खिते दे श्रीनगर, बडगाम ते गांदरबल हलके शामिल न। चुनां आयोग दे निर्देशें मुजब, सब्बनें मतदान केन्द्रें पर वैबकास्टिंग दी सुविधा उपलब्ध करोआई गई तांजे मतदान पूरी पारदर्शिता कन्नै होई सकै। जम्मू संभाग दे 11 असैम्बली हलकें च संजा 5 बजे तगर मतदान दा आकंडा इस चाल्ली हा।

गुलाबगढ़ च 72 अशारिया 1-9 फीसद मतदान होआ ऐ। पुंछ-हवेली हलके च 72 अशारिया 7-1 फीसद, सुरनकोट च 72-1-8 फीसद मतदान होआ, मेंपर च 69.6-7 फीसद, कालाकोट-सुंदरबनी हलके च 66. 3.7 फीसद, रजौरी च 68.0.6 फीसद, नौशैहा च 69 फीसद, थन्नामंडी हलके च 68.4-4 फीसद, बुद्धल च 67.4-9 फीसद, माता वैष्णो देवी हलके च 75.2-9 फीसद, रियासी च 69.0-9 फीसद मतदान दर्ज कीता गेआ ऐ। जम्मू संभाग दे सब्बनें 11 असैम्बली हलकें च मतदान पूरी रमानदारी ते बवस्था आहले ांग्गै सिर जारी ऐ। ध्यानजोग ऐ जे

दफा 370 हटने दे बाद जम्मू-कश्मीर च कोई इक दहाके परैन्त विधानसभा दे चुनां करोआए जा करदे न। दुए गेड दे इस चुनां लेई तकरीबन 25 लक्ख 78 जहार मतदाताए, चुनां मैदान च खड़ोते दे 239 मेदवारें दे सियासी भविक्ख दा अज्ज संझां तगर फैसला ईवीएम च कैद करी दिता।

<><><><><><><>

Prominent Votes

इस गेड तैहत जिनें प्रमुख सियासी मेदवारें अपना वोट पाया उन्दे च बडगाम ते गांदरबल सीटें परा चुनांs लड़ा'रदे साबका मुखमंत्री उमर अब्दुल्ला, भारतीय जनता पार्टी दे नेता रविन्द्र रैणा, साबका विधायक ते बीजेपी दे बुद्धल था मेदवार चौधरी जुलफीकार अली, साबका विधायक ते बीजेपी दे सुरनकोट सोयां मेदवार मुश्ताक अहमद बुखारी, थन्नामंडी सोयां बीजेपी दे मेदवार मोहम्मद इकबाल मलिक, राजौरी सोयां बी जे पी दे मेदवार विवोद गुप्ता, श्री माता वैष्णो देवी विधासभा सीट सोयां बीजेपी दे मेदवार बलदेव राज शर्मा, रियासी सोयां बीजेपी दे मेदवार कुलदीप राज दुबे होरें अपना वोट पाया। बुद्धल सोयां नैशनल काफ्रेंस दे मेदवार जावेद इकबाल चौधरी होरें बी वोट पाया। थन्ना मंडी सोयां पीडीपी दे मेदवार चौधरी कमर हुसैन, थन्ना मंडी सोयां आजाद मेदवार मुज्जफर इकबाल खान, सुरनकोट सोयां कांग्रेस मेदवार शहनवाज चौधरी, नेशनल कान्फ्रेंस दे मैर सोयां मेदवार जावेद राणा, श्री माता वैष्णो देवी विधानसभा सीट सोयां आजाद मेदवार जुगल किशोर शर्मा होरें बी अपना वोट पाया। नेशनल कान्फ्रेंस दे अध्यक्ष फारुक अब्दुल्ला होरें बी वोट पाया। बीजेपी दे महासचिव अशोक कोल,

पैरा ओलंपिक च कैं दा तगमा जितने आहले राकेश कुमार होंरें बी वोट पाने दे अपने अधिकार दा इस्तेमाल कीता ऐ।

<><><><><><>

Delegation-J&K Election

15 मुल्खें दे वरिष्ठ राजनयिकें दा उच्चस्तरीय शिष्टमंडल जम्मू-कश्मीर च विधानसभा चुनाव दा जायजा लैने आस्तै अज्ज कश्मीर दा दौरा ला र दा ऐ। शिष्टमंडल च अमरीका, मैक्सिको, गयाना, दक्षिण कोरिया, सोमानिया, पनामा, सिंगापुर, नाइजीरिया, स्पेन, दक्षिण अफ्रीका, नार्वे, तंजानिया, रवांडा, एल्जीरिया ते फिलीपींस दे राजनयिक शामिल न। विदेश मंत्रालय नै दस्सेआ ऐ जे ज्यादातर दूतावासों दी अगुवाई उप-राजदूत ते मिशन उप-प्रमुख करा र दे न जम्मू-कश्मीर च त्रंऊ चरणें च चुनाव होआ रदे न। पैहले गेड च 18 सितम्बर गी 24 सीटें आस्तै वोट पाए गए हे जिसलै कि दूरे गेड च 26 सीटें आस्तै अज्ज वोट पाए जा र दे न। त्रिए गेड च पैहली अक्टूबर गी 40 सीटें आस्तै मतदान होना ऐ वोटें दी गिनतरी आहला कम्म 8 अक्टूबर गी होग।

<><><><><><>

Border-Voters

समाज ते लोकतंत्र लेई अपनी जिम्मेवारी गी समझदे होई राजौरी ते पुंछ जिले दे बन्ने कन्ने लगदे इलाके दे लोकें अज्ज बधी चढ़िये मतदान कीता। भलेयां नियंत्रण रेखा कश लगदे इलाके च बी मतदान केंद्र बनाने लेई इनें लोकें भारतीय चुनां आयोग दा आभार प्रगट कीता। बड़े मते कठन इलाके थमां बी

लोक बड़ी बद्द गिनतरी च मतदान केंद्रें पर पुजजे ते वोट पाने दे अपनी फर्ज
गी अंजाम दिता ते मेद प्रगट कीती जे इलाके च तेजिया कन्नै विकास होग।

<><><><><><>

Huge-Enthusiasm

जम्मू-कश्मीर विधानसभा चुनां दे दूए गेड़ दे मतदान च अज्ज पैहली बारी वोट
पाने आए दे नौजवानें कोला लेइए बड़े मते बुजुर्गे च बी वोट पाने गी लेइए बड़ा
मता उत्साह दिक्खने गी लब्बा। रियासी जिले च इक मतदान केंद्र पर वोट पाने
आए दे 102 बरे दे हाजी करमदीन भट नै वोट पाने गी लेइए अपने भाव प्रगट
करदे होई घरा वोट पाने दी सुविधा दा इस्तेमाल करने दे बजाय मतदान केंद्र
पर आइए वोट पाया। सब्बनं लेई प्रेरणा बने दे हाजी करमदीन नै आखेआ कि
जेकर खरी सरकार बनदी ऐ तां लोकें दे सौ किस्मै दे कम्म तोड़ चढ़दे न। उनें
आखेआ जे सब्बनं गी शिक्षा थहोनी लोड़चदी, कम्म रोजगार दे मौके पैदा होने
लोड़चदे। रियासी जिले च त्रै असैम्बली हल्के न, रियासी, गुलाबगढ़ ते माता वैष्णो
देवी। दिन भर मतदान केंद्रें पर लोकें दा रश पेदा रेआ।

<><><><><><>

Haryana-Campaign

हरियाणा च चुनां प्रचार जोरें शोरें जारी ऐ। बक्ख-बक्ख पार्टिएं दे बड़डे-बड़डे नेता
ते स्टार प्रचारक अपने-अपने मेदवारें दे हक्कै च रैलियां-जलसे करे करदे न।
बीजेपी दे वरिष्ठ नेता ते प्रधानमंत्री नरेन्द्र मोदी होरें अज्ज 22 असैम्बली हल्के
थमां बीजेपी मेदवारें दे हक्कै च सोनीपत दी गोहाना थाहर जन आर्शीवाद रैली

गी संबोधित कीता। उनें आखेआ जे हरियाणा नै केई खेतरें च अज्ज अक्वल थाह हासल करी लैती दी ऐ ते राज्य च बीजेपी गी थोआ करदा समर्थन दिन-ब-दिन बधदा जा करदा ऐ। मोदी होरें लोकतंत्र दे पर्व च बधी-चणियै हिस्सा लैने लेई जम्मू-कश्मीर दे लोकें गी मुबारकबाद दिती। केन्द्री मंत्री नितिन गडकरी होरें बी कुरूक्षेत्र च इक चुनावी रैली कीती। उनें आखेआ जे बीजेपी दी सरकार नां छड़ा करसानें गी नां छड़ा अन्न-दाता सगुआं जैविक ईंधन दे उत्पादक बी बनाना चांहदी ऐ। इंडियन नेशनल लोक दल नै बी अज्ज जींद जिले च जननायक सम्मान रैली कीती। होरनें पार्टिएं जिआं बीएसपी, आम आदमी पार्टी, कांग्रेस ते शिरोमणि अकाली दल दे बड्डे नेता बी उत्थे चुनां प्रचार करै करदे न।

<><><><><><>

Vice Prez. Trade Show

उपराश्ट्रपति जगदीप धनखड होरें आखेआ ऐ जे भारत हुन दुनिया दी सब्बनें शा तेजी कन्नै उभरती अर्थबवस्थाएं चा इक्क ऐ। उनें आखेआ जे भारत वैश्विक निवेश दी नजरी कन्नै बी पसंदीदा मुख ऐ। उत्तरप्रदेश दे ग्रेटर नोएडा च दुए उत्तरप्रदेश अन्तर्राष्ट्रीय बपार मेला-2024 दे मौके पर अपने संबोधन च उनें आखेआ जे भारत लगभग चार ट्रिलियन डॉलरें दी अर्थबवस्था ऐ ते अगले दहाके च एहदी विकास दर 8 प्रतिशत रौहने दी मेद ऐ। धनखड होरें आखेआ जे प्रधानमंत्री नरेन्द्र मोदी हुंदे नेतृत्व च 12 नमें औद्योगिक खेतर आकार लै करदे न। एह आर्टिफिशियल इंटेलीजेंस, इलेक्ट्रिक मोबिलिटी ते सेमीकंडक्टर जनेई उभरती तकनीकें गी बणावा देडन। इस मौके पर भलेआं लौहके, लौहके ते

दरम्याने दर्जे दे उद्यमें सरबंधी मंत्री जीतन राम मांझी ते उत्तरप्रदेश दे मुखमंत्री योगी आदित्यनाथ बी मजूद हे। जीतन राम मांझी होरें देशें च भलेआं लौहके, लौहके ते दरम्याने दर्जे दे उद्यमें आहले खेतर दे कम्में पर लोs पाई। मुखमंत्री योगी आदित्यनाथ होरें आखेआ जे राज्य दे तकरीबन 96 लक्ख भलेआं लौहके, लौहके ते दरम्याने दर्जे दे उद्यम देशें दे आर्थिक विकास गी बावा देने च महत्वपूर्ण भूमिका निभा करदे न। उनें आखेआ जे उत्तरप्रदेश देश दे विकास गी रफतार देने आहला राज्य बनेआ ऐ। स्हाड़े संवाददाता नै दस्सेआ ऐ जे वियतनाम इस आयोजन दा भ्याल मुख्य ऐ। 5एं दिनें दे इस आयोजन च भारत ते होरनें मुखें थमां तकरीबन 2 हजार 500 प्रदर्शक हिस्सा लै करदे न।

<><><><><><>

Unemployment Rate

श्रम मंत्रालय आसेआ जारी ताजा सलाना श्रम बल सर्वेक्षण दे मताबक पिच्छले बरे देशें च बेरोजगारी दी दर च मती गिरावट आई ऐ। इस दिशा च हरियाणा ज्नेय राज्यें महत्वपूर्ण प्रगति कीती ऐ। सर्वेक्षण दी रिपोर्ट मुजब 2023-24 च राश्ट्री औसत बेरोजगारी दर 3 इशारिया 2 प्रतिशत रेई। इस दरान बरे 2022-23 दे मुकाबले च 5 इशारिया इक प्रतिशत दी गिरावट आई ऐ। हरियाणा, तमिलनाडु, छत्तीसगा ते मध्यप्रदेश च बेरोजगारी दी दर च सब्बनें शा मती गिरावट आई ऐ। हरियाणा च बेरोजगारी दी दर 2022-23 दी 9 इशारिया 2 प्रतिशत थमां घटियै 2023-24 च 3 इशारिया 4 प्रतिशत होई गई। बेरोजगारी दी दर च इस सुधार दे बावजूद किश राज्यें च एहदी दर मती बनी दी ऐ। इस

सूची च गोआ सब्बनें शा उप्पर ऐ जित्थे बेरोजगारी दी दर 8 इशारिया 2 प्रतिशत ऐ। एहदे परैन्त केरल ते नगालैंड दी थाह ऐ। केन्द्रशासित प्रदेश लक्षद्वीप च बेरोजगारी दी दर बड़ी मती यानी 11 इशारिया 9 प्रतिशत दर्ज कीती गई ऐ।

<><><><><><><><>

Bombay HC

बॉम्बे हाईकोर्ट नै बदलापुर दुष्कर्म मामले दे आरोपी अक्षय शिन्दे दी मौती दे मामले च महाराष्ट्र पुलस गी फटकार लांदे होई उंदे शा केई सोआल पुच्छे न। अक्षय शिन्दे सोमवारें पुलस कन्नै टाक्करे च मारेआ गेआ हा। ओहदे पिता नै पुलस दे इस दावे गी चुनौती दिंदे होई इक याचिका दायर कीती ही जे अक्षय शिन्दे नै इक पुलसकर्मी थमां थेआर खुस्सियै उसी गोलीबारी लेई उकसाया हा। अदालतै दी पीठ नै आखेआ ऐ जे इस मामले दी जांच निरपक्ख ंगै कन्नै कीती जानी लोड़चदी ऐ।

<><><><><><><><>

UNSC India

चिली दे राष्ट्रपति गेब्रियल बोरिस फॉन्ट होरें संयुक्त राष्ट्र सुरक्षा परिषद च भारत दी स्थाई सदस्यता दी वकालत कीती ऐ। उनें आखेआ जे ब'रे 1945 च संयुक्त राष्ट्र दी स्थापना दे बाद थमां हुनै तगर विश्वव्यापी फेरबदल होए न। फॉन्ट होरें इब्बी आखेआ जे मजूदा वैश्विक हालात च जबर्दस्त फेर-बदल होआ ऐ। नेय हालात च संयुक्त राष्ट्र सुरक्षा परिषद च सुधारें दी इक तय तरीक तय

कीती जानी लोड़चदी ऐ। उनें संयुक्त राष्ट्र सुरक्षा परिषद च भारत, ब्राजील ते घटोघट्ट इक अफ्रीकी मुख्य गी बी एहदी सदस्यता मिलनी चाईदी। उंदा आखना हा जे इस संस्था दे सुधारें च छड़ी राजनीतिक इच्छेआ शक्ति दी कमी ऐ। अमरीकी राष्ट्रपति जो बाइडेन हों संयुक्त राष्ट्र सुरक्षा परिषद दी पक्की सदस्यता लेई भारत दा समर्थन कीता। ऐतवारें डेलावेर च क्वाड शिखर बैठक दे दरान प्रधानमंत्री नरेन्द्र मोदी हुंदे कन्नै दपक्खी गल्लबात च उनें एहदा जिक्र कीता। रूस नै बी इक बारी फही संयुक्त राष्ट्र सुरक्षा परिषद च भारत दी स्थाई सदस्यता दी वकालत कीती ऐ। रूस दे विदेश मंत्री सर्गेई लावरोफ हों आखेआ जे संयुक्त राष्ट्र सुरक्षा परिषद च विकासशील मुख्यें दा प्रतिनिधित्व होना चाईदा। एहदे लेई जरूरी ऐ जे भारत, ब्राजील ते अफ्रीकी मुख्यें गी स्थाई सदस्यता दिती जा।

<><><><><><><><>

CAG

भारत दे नियंत्रक ते महालेखा परीक्षक यानि कैग, गिरीश चंद्र मुर्मु हों आखेआ ऐ जे कैग दिआं रिपोर्टा तैयार करने ते डेटा विश्लेषण दे प्रबंधन च आर्टिफिशियल इंटेलीजेंस गी संगठित करने लेई कम्म कीता जा करदा ऐ। 16में एशियन ऑर्गेनाइजेशन ऑफ सुप्रीम ऑडिट इंस्टीट्यूशंस च मीडिया गी संबोधित करदे होई श्री मुर्मु हों आखेआ जे कैग नै समर्थ निर्माण पर केई पैहलकदमियां कीतीआं न ते सब्बनें सुझाएं गी हितधारकें दे कन्नै सांझा करने लेई लेखा परीक्षकें गी सब्बै सुविधां दितिआं जा करदिआं न। आकाशवाणी समाचार कन्नै

खास गल्लबात च श्री मुर्मु होंरें आखेआ जे डिजिटल ऑडिट गी विभिन्न देशें आसेआ अपनाया जा करदा ऐ ते एह चुनौती दे समें बी अहम भूमिका निभांदा ऐ।

<><><><><><><><>

Waqf Board

अल्पसंख्यक मामलें दे मंत्री किरण रिजिजू होंरें मेद प्रगट कीती ऐ जे वक्फ तरमीमी बिल दी नजरसानी करने लेई खडेरी गेदी संसद दी संयुक्त कमेटी संसद दे स्याले आले इजलास दे पैहले हफते च गै अपनी रिपोर्ट जमा कराई देग। उनें आखेआ जे कमेटी गी इक्क करोड़ कोला मते सुझा एहदे पर हासल होई चुके देन। मोदी सरकार दे त्रीए कार्जकाल दे 100 दिनें दियां उपलब्धियां गिनांदे होई मंत्री होंरें आखेआ जे कमेटी इस बारै बक्ख-बक्ख धड़ें कोला सुझा, मश्वरे ते विचार हासल करै करदी ऐ जिंदे च सरकारी ते समाजी संगठन बी शामिल न। उनें आखेआ जे वक्फ बिल च तरमीमां पैहले बी कीतिआं गेइयां न पर ऐकती बड़े बड्डे पैमाने पर सलाह परामर्श कीते जा करदे न जेड़ा जे लोकतंत्र लेई बड़ी खरी गल्ल ऐ।

<><><><><><><><>

India-A.I-IBD

इंडिया ए.आई स्वतंत्र बपार मंडल आस्सेया इलेक्ट्रानिक्स ते सूचना प्रौद्योगिकी मंत्रालय तैहत आर्टिफिशल इंटेलीजेंस यानि ए.आई फेलोशिप लेई दरखास्तां मंगियां न जेदे लेई बी.टेक ते एम.टेक दे विद्यार्थी अर्जी देई सकदे न। मंत्रालय

नै ए.आई दे क्षेत्र च पीएचडी दी फेलोशिप प्रदान करने लेई 50 प्रमुख अनुसंधान संस्थानें गी बी एहदे च जुड़ने लेई आखेआ ऐ। दरखास्तां इस म्हीने दी 30 तरीक तोड़ी दाखल कीतियां जाई सकदियां न जेदे लेई वेबसाइट ऐ A.I.gov.in इंडिया ए.आई मिशन दा उद्देश्य ए.आई दा लाह समाज दे हर इक वर्ग तगर पुजाना ऐ।

<><><><><><><>